

Publicaziuns officialas dils 21 da mars 2025

Vischnaunca Trun

Damonda da baghegiar

Datum da publicaziun: 21-03-2025

Petents: Lorenz e Silvana Fuhrer-Arpagaus, Eggstrasse 34, 8907 Wettswil
Representanza: Rafael Guldemann GmbH, Via Sorts 2, 7166 Trun
Object: Montascha d'ina pumpa termica d'aria sin parcella 1900 a Campliun
Zona: Zona dil vitg (V)

Datum da publicaziun: 21-03-2025

Petenta: Mazzetta Garascha Greina SA, Via Principala 106, 7166 Trun
Representanza: architectura tambornino sa, Via Principala 44, 7166 Trun
Object: Sanaziun dil tetg (alzament per 18 cm) e sanaziun dalla cuchera sin parcella 2130 a Campliun
Zona: Zona da habitar e da mistregn (M2)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Deponia da cumpostar Ogn

Preziadas convischinas. Preziai convischins

La deponia da verd ei puspei aviarta naven da **sonda, ils 22 da mars 2025.**

Uras d'avertura:

Mardis naven dallas 17.00 – 19.00 uras

Gievgia naven dallas 17.00 – 19.00 uras

Sonda naven dallas 10.00 – 12.00 uras e naven dallas 14.00 – 16.00 uras

Ei basegna negina clav per entrar duront il temps fixau en la deponia. Duront igl ulteriur temps resta la deponia serrada.

La deponia vegn surveglada tras signur Manuel Maissen. Nus supplichein la populaziun da setener vid las directivas dil surveglader dalla deponia.

Igl ei scumandau da deponer curdemis sin ulteriur territori. Deponias illegalas vegnan castigadas.

Suprastonza communal Trun

Serrada dalla via Schlans - Capeder

Muort lavurs da sanaziun vid la via da Schlans - Capeder resta quella via serrada naven dils 31 da mars entochen ils 11 d'avrel 2025.

Bien engraziament per la capientscha.

Suprastonza communal Trun

Informaziun per apiculturs e menaschis purils da hobi

La registraziun da datas sa aunc vegnir fatga naven dils 13 da mars entochen ils 1 d'avrel 2025 tenor l'informaziun che vus haveis retschert digl uffeci d'agricultura cantunal.

Annunziau sto vegnir gaglinas, andas, aviuls, cunegls, cavals, asens, nuorsas, cauras ni auters animals da nez, quei gia naven d'in animal.

Sch'enzatgi drova agid, sche saveis vus s'annunziar tier il gerau d'agricultura Lucas Arpagaus, tel. 079 609 51 43.

Suprastonza communal Trun

Serrada dalla senda Sursilvana naven da Schlans – Cartatscha

Muort in tagl da lenna denter Sur Craps e Landersera sto la senda Sursilvana che meina da Cartatscha a Schlans vegnir serrada. Duront pinar lenna san plontas e crappa curdar giu sin la senda. Las lavurs ein previdas naven da gliendisdis, ils 17 da mars e cuozzan entochen venderdis, ils 28 da mars 2025.

Uffeci forestal Trun

Biblioteca Trun

Dumengia, ils **30 da mars allas 19.00 uras**, envida la Biblioteca Trun ad ina prelecziun da Carlo Janka.

Il campion olympic e campion mundial presenta siu cudisch e raqueta da siu temps sco anteriur sportist da professiun. La sera vegn moderada da Roger Alig. Nus selegrein sin vossa preschientscha.

Las bibliotecaras Esther ed Iris cun Carlo e Roger

Club da ballapei Trun/Rabius

Turnier da bigliard

Sco mintg'onn organisescha il Club da ballapei Trun/Rabius il tradiziunal турниr da bigliard. Uonn ha quei турниr liug naven dils **28 da mars entochen ils 26 d'avrel 2025** ella Pizzeria da Stefano a Trun. In cordial beinvegni fa il CB Trun/Rabius cun ses organisaturs/As e scribents.

Ludoteca Disentis/Mustér e contuorn

Radunoza generala 25-3-2025

Mira vischnaunca Mustér!

TCS Sektion Graubünden

Einladung zur 65. Generalversammlung.

Siehe unter Surselva!